

باسم يوسف: الأجوبة

المستوى المتقدم

ب- الاستماع الثاني: استماع دقيق من 5:22 إلى 6:23

يعني احنا عشنا أيام الحقيقة ضغطنا كلنا علي فيه وقت الثورة. فبعد لما حيينا نوصل رأينا في اللي حصل في الثورة، وفي الإعلام بتاع الثورة كنا مش عارفين نقول رأينا ازاي. احنا مش من ائتلاف الثورة ولا احنا من أهالي الشهدا (احنا كلنا شهداء الإعلام، دي حاجة تانية). لكن فكرنا إن بدل ما نطلع ع الفيسبوك ونقول كلمتين ع الاستاتس بتاعنا ونعمل جروب ”لا لمش عارف إيه“ و”ياللا بينا..“، الفيسبوك بيتعمل عليه أي حاجة دلوقت. أو تعمل تويتس أو تطلع تقول على ويب كام على اليوتوب اللي انت عايزه، فكرنا إن احنا نعمل الموضوع ده دهوت بإنتاج يماثل إنتاج الإعلام اللي احنا بنشوفه، بس على الانترنت. نجيب محتوى لواحد هاوي زيي عايز يقول اللي هو عايزه ونغلّفه بمستوى احترافية: مونتاج، تصوير، مخرج، معدات تصوير متقدمة، إنتاج كويس، سياسة تسويق على الانترنت.